


制 度 法 象



道藏輯要

金液還丹印證圖詩

平

胃集十二
川七

制度詩曰

壇築三層天地人九宮八卦布令勻鏡懸上下祛精怪劍列方
隅鎮鬼神禹步登時三界肅罡星指處百魔賓叮嚀刻漏無差
失片餉工夫萬劫春

至人修鍊金液大還丹先須投名山擇福地巒迴水繞向陽
背陰不近伏屍邱塚戰陣沙場離塵脫俗高抗清爽去處起
蓋丹室數椽室內築壇三層以象三才壇上有竈竈上有爐
爐中有鼎鼎中有神室外列九宮八卦天干地支四方卓劍
懸以寶鏡鎮壓鬼神主者禹步登壇捧丹入室步履魁罡驅
妖剪怪邪魔自然賓伏不敢賊害丹爐也循環周星刻漏以

定晨昏運用陽火陰符以明進退纖毫不得差誤片餉之間
結成一粒大如黍米餌之鍊之十月胎圓自然神妙點化凡
軀以成純陽之仙則萬劫長春而不老矣

道藏輯要

金液還丹印證圖詩

三

胃集十二